

جريدة حكاية



صالی

نومرو	شوال	سنه	ایلول	سنه	صفیفة
۱۳	۱۴	۱۲۹۶	۱۸	۱۲۹۵	۹۷

اشوغزته بهر هفته صالی کونلری چیقار . سنه لکی التمش غروش و بهر نسخده سی التمش پاره .
 مجیدیه اوله رق هر برده صایلور . سنه لکنه مشقری اولوق استیانلر عدلیه .
 نظارت جلیله سی اوراق مدیر لکنه مراجعت ایتلیدر .

عائد ایسه ده هر قضا بدایت محکمه سنده مستنطق
 معاونی نامیله بر ما موره لزوم اولدیغندن اکاده اوچبوز
 غروش معاش و بر لسی و لوا بدایت محکمه لرینه التیشر
 یوز واستیناف محکمه لرینه بیکر غروش معاشله بر
 نفر باش کاتب و لوا بدایت محکمه لری ایله ولایات
 استیناف محکمه لرینک حقوق و جزا دأره لرینه اوچر
 یوز غروش معاشله ایکیشردن دردر کاتب تعیینی
 و اعلامات حقوقیه نك اجراسی فضالره رئیساره
 عائد اولوق اوزره متصرفلق مرکزنده اولان
 بدایت محکمه لری معینلرینه بشیوز و ولایت
 مرکزنده بولنسان بدایت محکمه لری معیننه بدی
 یوز الی غروش معاشله بر در نفا اجرا مأموری تعیینی
 و اون سکرنجی ماده اقتضاسندن اولوق اوزره قضا
 و لوارک بدایت محکمه لری معیننه علی السویه یوز
 التیشر غروش معاشله ایکیشر واستیناف محکمه لری
 معیننه ینه یوز التیشر غروش معاشله دردر نفا اجرا
 مباشری تعیینی و قضا و لوا بدایت محکمه لری ایچون
 الیشر و ولایات استیناف محکمه لری ایچون یوز
 غروش معاشله بر در نفا و طه جی استخدا می خصوص لرینه

(فی ۱۳ ایلول سنه ۹۵ تاریخیه عدلیه)
 (نظارتندن تعمیماً ولایات جلیله و عدلیه مفتشلرینه)
 (یازیلان تلغرافنامه صورتیدر)
 تشکیل محاکم قانونتک اون التجی ماده سی حکمنجه
 قضا بدایت محکمه لرنده بولنه جق ایکیشر اعضانک
 بهرینه ایکیشر یوز الیشر و قانون مذکورک بیکر تجی
 ماده سی حکمنجه لوا بدایت محکمه لرینک منقسم
 اولدیغی حقوق و جزا دأره لرنده بولنسی لازم کلان
 ایکیشر اعضانک هر برینه دردر یوز و او توز ایکجی
 ماده منطوقجه ولایات استیناف محکمه لرینک
 هر دأره سنده موظناً بولنسی لازم کلان ایکیشر
 اعضانک بهرینه بیکر غروش و بیکرمی بدنجی و او توز
 بشجی ماده ل اقتضاسنجه لوا بدایت محکمه لری ایله
 استیناف محکمه لرینک هر دأره سنده بولنه جق بر در نفر
 اعضا م لازمده اوچر یوز غروش معاش تخصیصی
 و اون بدنجی ماده حکمنجه هر قضا بدایت محکمه سنه
 درت یوز غروش معاشله بر در نفا برنجی و ایکبوز غروش
 معاشله بر در نفا ایکجی کاتب تعیینی و اون التجی ماده
 اقتضاسنجه استنطاق وظیفه سی اعضا دن برینه

مجلس عالی و کلاقراری ایله بالاستیدان اراده سنیه حضرت پادشاهی متعلق بیورلدیفندن اجرای اقتضاسی شرفوارداولان تذکره سامیه و کاتپناهیده امر و اشعار بیوراش و صورت اراده سنیه سائر ولایه عظام ایله عدلیه مقتشالرینه بیلدیراش اولغله ولایت جلیله لری محکمه استینافیه سبیله لوا وقضالریک محاکم ابتدائیه سی مأمورین واعضا و کتبه سنک واجرا مأمور و مباشر لری ایله او طه جیلر معاشاتنک قرار مشروحه توفیقی و بونلرک دیگر تاغراف عاجزیده محرر وصایا وجهله انتخاب لری لازم کاور

(فی ۱۳ ایلول سنه ۹۵ تاریخله عدلیه)
نظارتندن تعینا ولایات جلیله و عدلیه مقتشالرینه
(یازیلان تلغرافنامه نك صورتیدر)

محاکم استینافیه ولایات اعضاسنک نصفنک وقضا ولوالر بدایت محاکمی اعضاسنک عمومک طرف دولتندن نصب وتوظیفی تشکیل محاکم قانونی احکامندن اولدیغی حالده تخصیصاته قارشولوق اولماسندن طولایی بونلرک شمذیلک کافه فخری اولسنه مؤخرًا قرار ویرلش واولبابده لازم کلان معامله ۳۰ رجب سنه ۹۶ تاریخلی تحریراتده بیان قلمش ایدی دیگر اشعاردن معلوم اوله جغی اوزره بوکره اعضا معاشالرینک قارشولغی بولمسنه مبنی ذکر اولنان قرار موقتک منسخ اولسی لازم کاور ایسه ده بعض اسباب ومطالعاته مبنی توظیف اولنه جق اعضانک دخی بودغه به مخصوص اولوق اوزره من القدیم ولایتلرده جاری اولان اصول انتخاباته توفیقا انتخاب وتعیین اولنهرق فقط هر محکمه ده بولنه جق اعضا عدلینک تشکیل محاکم قانونه توفیقی خصوصنه مجلس عالی و کلاقراریله بالاستیدان اراده سنیه متعلق بیورلدیفندن اجرای

اقتضاسی با تذکره سامیه و کاتپناهی امر و اشعار بیوراش و کیفیت ولایات سائر ایله عدلیه مقتشالرینه بیلدیراش اولغله ولایت جلیله لری دخی کرک لوا وقضالر بدایت محاکمی اعضاسنک و کرک استیناف محکمه سنده موظفا و یا فخریا بولنه جق اعضانک ولایات نظامنامه سنه یعنی نظامنامه مذکورک باب خامسنک فصل اول وثائی وثائی احکامنه توفیقا انتخاب اولنهرق فقط بونلرک عدلینک بر موجب قرار عالی تشکیل محاکم قانونه توفیقی اولنسی و برده فخری وموظف اعضانک تفریقنده درجه اهلیتلرینک اساس اتخاذی یعنی تشکیل محاکم قانونک اوتوز ایکنجی ماده سی اقتضاسنجه ولایت محکمه استینافیه سی حقوق و جزا دارلرینک هر برنده بولنه جق درت اعضادن بالنسبه اهل اولان ایکیسنک توظیفله دیگر ایکیسنک بر موجب قانون صورت فخریه ده استخدام قلمسی و یکی اعضانک انتخاب وتعییننه قدر الحاله هذه موجود اولان اعضانک محاکمه دوام ایلری لازم کاور

(فی ۱۳ ایلول سنه ۹۵ تاریخله عدلیه)
(نظارتندن تعینا ولایات جلیله و عدلیه مقتشالرینه)
(یازیلان تلغرافنامه نك صورتیدر)

دیگر تلغرافده معاشالرینک درجاتی بیان اولنان محاکم نظامیه مأمورین و کتبه و خدمه سنک انتخاب لری قواعد اتیه به توفیقا اجرا اولنه جقدر شویله که اشبو تلغرافک وصولنده مرکز ولایتده عدلیه مقتشی ایله استیناف و بدایت محکمه لرینک رئیس اول وثائیلرندن ومدعی عمومی ومعاونی ایله محکمه تجارت رئیسندن ومنصرفلقلرده لوابدایت محکمه سی رئیس اول وثائیسى ومدعی عمومی معاونی ایله محکمه تجارت بولندیغی حالده انک رئیسندن مرکب

بر قومیسوون تشکیل اولنهرق ولایت قومیسوون محکمه استیناف ایله مرکز ولایتک و مرکز اولان قضالرک بدایت محکمه لری کاتب ومستنطق واجرا مأمور و مباشر و او طه جیلرینی واستیناف و مرکز بدایت محکمه لری بولنه جق اعضا ملازم لرینی صنوف مختلفه تبعه دن وارباب اهلیت واستقامتدن اولوق والیوم محاکمه مستخدم کتبه نك اهلیتلوری خارجدن اننه جقلره ترجیح قلمق اوزره انتخاب ایدرک مضبطه سنی برهفته ظرفنده ولایته ویره جک وسنجاق قومیسوونلری دخی متصرفلق مرکز ایله ملحق قضالرک بدایت محکمه لری کاتب ومستنطق معاونلرینی واجرا مأمور و مباشر و او طه جیلرینی و مرکز متصرفیت اولان قضا بدایت محکمه سنده اعضا ملازم لرینی کذلک صنوف تبعه دن و اهل وارباب کسندردن اولوق والیوم مستخدم اولان کتبه نك اهیتلوری خارجدن طالب اولانلره ترجیح قلمق اوزره انتخاب ایله مضبطه سنی ایکی هفته ظرفنده متصرفه اعطا ومتصرف دخی ایلک پوسته ایله والی ولایته ارسال ایلیه جک ومستنطق و کاتبلر بالامتحان آلتوب امتحان نامه لر مضبطه لره ربط اولنه جقدر والی ولایت سنجاقلردن کلان و مرکز قومیسوونلرندن ویریلان مضبطه لری کذلک ایلک پوسته ایله عدلیه نظارتنه ارسال ایده جک ایسه ده لوا محکمه لری ایله لوالره مربوط قضالر محاکمی ایچون انتخاب اولنه جق کتبه وسائره لوا محکمه لری اعضا ملازم لری سنجاق قومیسوونلرجه بالانتخاب مضبطه سی متصرفلغه ویرلدیکنک عقیننده واستیناف محکمه سی ایله مرکز ولایت بدایت محکمه سنه انتخاب اولنه جق اعضا ملازم لری و کتبه وسائره ولایت قومیسوونلرجه بالانتخاب مضبطه سی والی ولایته اعطا اولندیغی متعاقبا مأموریتلرینه مباشرت ایده جکلردر فقط عدلیه مقتشالری لاجل التفیش لوا وقضالره ککیند کلر نده سنجاق

قومیسوونلرنجه واقع اولان انتخابات بولنده اجرا اولنمیویده ناهل آدملر کوررلر ایسه او مثالوری عزل ایله یرلرینه اهل ومناسبلرینی تعیین ایدوب و انتخاب قومیسوونلری هیئتنی تحت مسولیته آلوب کیفیتی نظارتنه بیلدیره جکلردر و انتخابات عمومیه نك اکلاندن صکره دخی ذکر اولنان قومیسوونلر باقی اولوب یعنی اقتضا ایندکجه اجتماع ایلوب عدلیه مأمورلرینک قانونا عزل لرینی موجب حاللری و یا استعفا و یا وفاتلری وقوعنده خلفلرینی اصول مشروحه به توفیقا انتخاب ایلیه جکلردر تفصیلات محرره سائر ولایه عظامه و عدلیه مقتشالرینه بیلدیرلکه اورا جده دخی سربعا اینفای مقتضیاتی لازم کاور

(فی ۲۷ رمضان سنه ۹۶ و فی ۱ ایلول سنه)
(۹۵ تاریخلی ایله عدلیه نظارتندن ولایات)
(جلیله به یازیلان تحریرات عمومیه نك صورتیدر)

عموم حسبخانه لریک محافظه صحت محبوسینه کافی صورتده تأسیس وتنظیمی ضمننده دائره عدلیه جه تدابیر لازمه به تشبث اولنوق اوزره تخصیصاتنک داخل بولندیغی مرتبائندن بالتفریق عدلیه بودجه سنه نقلی مقتضای اراده سنیه دن اولهرق کیفیت مالیه نظارت بهیه سنه اشعار قلندیغی جوابا شرفوارداولان تذکره سامیه ده امر وازبار بیورلش ودر سعادتده بولنان حسبخانه ایله شعباتنک طقسان بش سنه سی ضبطیه بودجه سنه داخل بولنان تخصیصاتی طقسان بش سنه مالیه سی تموزینک اونجی کونلرندن اعتبارا عدلیه بودجه سنه نقل

وادخالی قرار شد بر لیه رقی خزینه جلیله چه معامله مقضیه نك اجرایی نظارت مشار الیه به اشعار قلدیغی کی اصول محاکات جزایه قانون موقتی احکامه توفیقا حبسخانهل معاملاتك حسن جریانه مدار اولق ایچون توقیف و حبسخانه لده بولنان اشخاص موقوفه و محکومه نك تاریخ و اسباب محبوسیتلریله احوال سارملرینی مبین حبسخانه ل چه بولنسی لازم کلان دفترلك اصلاح و تنظیمی و مجرملرک توقیفی ایچون مستنطق و محکمه لک قراری اوزرینه مدعی عمومی طرفندن حبسخانه مدیرلینه کوندرلیسی ایجاب ایدن مطبوع ورقه ل نمونه سنک ترتیبی و حبسخانه ل معاملات عمومی سبله تفرعاتك تعیینی حقنده بر نظامنامه داخلی تنظیم اولنق اوزره محکمه تمیز باش مدعی عمومی لکنک ریاستی تحتده بر قومیسون تشکیل اولنمشیدی بوکره مذکور قومیسوندن حبسخانه لده طوبیله جق جنحه و قباحت و جنایت دفترله توفیقخانه و تعیینات یومیه دفترلی و جلب و احضار و موقت و غیر موقت توقیف مذکره لری و احضار مأمورلی طرفندن اولباده تنظیم وقوه جبری استعمالی حقنده ترقیم اولنه جق و کیفیت تحریری بی مبین مأموزی طرفندن تنظیم قلنه جق ضبط ورقه لری و تحریری امری و موقوف نقلی و تخلیه سبیل قرار نامه لری نمونه لری ترتیب و تنظیم و دفاتر مذکور دن نمونه لریه تطبیقا لزومی مقداری طبع و تمثیل اولنه رقی بهرینک مطبوعندن بر عددی بوزر ورقدن عبارت اولدیغی حالده و لاه عظام حضرانته عموما اهل سال قلدیغی کی ولایت جلیله لری داخلنده بولنان توقیف و حبسخانه لریه دخی ذکر اولنان دفاتر اوزرینه ایغای وظائف و معاملات باشلامق اوزره لزومی مقداری بر صندوق درونته موضوعا و مدعی عمومی لره کوندریلان سالف الذکر مذکور لریله ضبط ورقه لری و قرار نامه لری برز

مطبوع نمونه سی دخی اون قطعه دن عبارت اولدیغی حالده معلومات اولق اوزره نفا کوندرلش و توقیفخانه و حبسخانه لده امر مشروعه مبنی اولیه رقی آدم توقیف و حبسی کی معلوم اولان سوء استعمالنک اسباب مانعه سندن اوله بیلک اوزره قانون مذکورک در تبوزالمی دردنجی ماده سی توقیفخانه و احتیاطا جنحه و قباحت و جنایت ایچون متخذ دفترلك هر صحیفه سنه سیناطبع ایدلش اولغله بویا بده حبسخانه ل اداره لرینه وصایا و تبلیغات لازمه نك اجرایی ایجاب ایده جکی و مذکور قومیسونجه در دست تنظیم بولنان حبسخانه ل نظامنامه داخلی سنک دخی اکتاده برر نسخه سنک ولایاته عموما کوندریله جکی بیانیله ترقیم رفیقه عاجزی به ابتدار قلدی اولبا بده

(فی ۶ شوال سنه ۹۶ و فی ۱۰ ایلول سنه)
 (۹۵ تاریخ لریله عدلیه نظارتندن عموم ولایات)
 (مدعی عمومی لریه یازیلان تحریرات صور تبدر)

اورمان حریق لری نك منع وقوعی حقنده تعقیبات مکمله نك ایفاسی امرنده اتخاذ اولنان تدابیر مؤثره جمله سندن اوله رقی او مثلا و مدار تخریب اولان حالات غیر مرضیه به مجاسر اولنلرک امثالنه عبرت مؤثره اولق اوزره قوه قانونیه ایله تأدیبی لزومی مرتبه و جو بده کورندیکندن بحثله اقتضاسنک اجرایی خصوصی اورمان و معادن نظارت بهیه سی جانبندن با تذکره افاده اولنمش و فی الحقیقه ممالک شاهانه منع ثروت و ثمره معموریت اولان اورمانلرک بر صورت سالمه و منظمه ده اداره و محافظه سی امرنده اتخاذ اولنان تدابیر و اصولک مرکز مطاوبه

وصولی و سائط قانونیه نك بر صورت مؤثره استعمالیه حاصل اوله جغی درکار ایدو کندن بعد ازین اورمان حریق لرینی ایقاعه مجاسر اولنلر علیهنده استیفاف و بدایت محکمه لری نزدنده بولنان مدعی عمومی ل طرفندن اقامه دعوی اولنه رقی حق لرنده معین اولان تجارت قانونیه نك ترهیبی للامثال تمامی اجرایی و سائطنک استحصالی و استکمالی خصوصی امور جزایه مدیر لکنک افاده سیله تعمیاً توصیه و اشعار قلنمش ایدو کندن اوزراجه دخی بوجه مشروح ایغای معامله به اعتنا و دقلنه الویه بدایت محکمه سی مدعی عمومی معاو لرینه سریرعا تبلیغ کیفیت اولنسی صورت مخصوصه ده اخطار اولنوز

« اعلان »

دعاوی واقعه نك سرعت و سر بسنی جریانی امرنده اتخاذ اولنان تدابیر جمله سندن اولق اوزره حقوق عادیه و تجاریه به متعلق اوله رقی تنظیم و اعطا اولنه جق عرض حاللرک هیچ بر طرفک حواله سنه محتاج اولنمسزین محکمه لری طرفندن طوغریدن طوغری به اخذ و قبولنه مأذونیت و بر یله رکی کیفیت مقدما اعلان اولنمش و بو صورت اصول محاکمه حقوقیه قانون موقتک اون یدنجی ماده سیله دخی تأیید و تأسیس ایدلش اولدیغی و امور جزایه به متعلق اولوبده مدعی عمومی لکره عائد دعاوی دخی بو قبیلدن بولندیغی حالده البوم بو مثلا و عرض حاللر اصحابی طرفندن حواله مدیرینه کتور لکنده اولوب بو ايسه تأخر رویت مصالحی موجب اولدیغنه مبنی بعدما دعاوی شرعیه ایله ملل غیر مسئله رؤسای روحانیه لری معرفتیه رویت اولنه جق دعاوی ماعدا حقوق عادیه و تجاریه و جزایه به متعلق عرض حاللرک عائد اولدقلری محاک


عمومی لکره اعطاسی مصالحک سرعت و سهولت جریانی موجب اوله جغی جمله به معلوم اولق اوزره اعلان اولنوز

(اعلان)

(بک اوغلی بدایت محکمه سی اجرا دائره سی طرفندن)
 اظهار قائم مقامی سابق عقان بکک حطب امینی سابق مصطفی اقدی ذمتنده با اعلام مطلوبی اولان مبالغ معلومه نك تسویه سی ضمنده مدیون مرقومک بک اوغلنده خندق سو قافنده ۵۳ و ۵۵ نومرولی متصرف اولدیغی کار کیرایکی باب خانه لری نك فروختی محکوم اولوب تاریخ اعلاندن اعتبارا اون بش کون صکره مزایده مقرر بولندیغی بک اوغلی بدایت محکمه سی اجرا دائره سی طرفندن اعلان اولنوز

فی ۶ شوال سنه ۹۶

حبسخانه ل معاملاتنه دائر اشو نسخه ده مندرج تحریرات عمومی ده کوندر لیدی حکایه اولنان تحریری امری و احضار مأموزی طرفندن تنظیم اولنه جق ضبط ورقه سی و موقتاً تخلیه سبیل و موقوف نقلیه دائر قرار نامه ل وقوه جبری استعمالی حالنده احضار مأموزلرینک تنظیم ایده جکی ضبط ورقه سی نمونه لری سکرنجی نومرویه درج و توقیفخانه و جنایت و جنحه و قباحت دفترلی نمونه لری دخی بشقه چه طبع ایله اوننجی نومرویه ربط اولندیغی مثلا و جلب و موقت و غیر موقت توقیف مذکره لری نمونه لری دخی



(محکمه سی)
(دائره سی)

اوراق نومروسی




اسم و شهرت	سن و صنعت	محل اقامت	تابعیت

ماده سندن طولابی استجواب واستماعی لازم کلان بالاده اسم و شهرتی محرز نک
 ماه حالک کونی ساعت ده اشبو محکمه نک دائره سنده حاضر بولنمسی اقتضا
 ایده جکنی اخبار و شاید کلیه جک اولور ایسه حقنه احضار مذکره سی صادر اوله جغنی دخی اخطاره
 هر مباشر وقوه مسلحه مأمورلرینک مکلف و مجبور اولدیفنی مبین اشبو مذکره بالبحریر امضا و تمهیر
 قلندی فی سنه
 مدعوک امضاحلی محل امضا و مهر

(اشبو مذکره نک ظهرنده اولان عبارۀ قانونیه نک صورتیدر)

جلب مذکره سیله کندوسنه اولنان دعوتۀ اجابت ایتمیان مظنون علیه و یا شاهدلر حقلرنده اصول
 محاکمات جزائیه قانون موقتک سکسان التنجی و سکسان ایدنجی ماده لری احکامنجۀ احضار مذکره سی
 صادر اوله جغنی واجابت ایتمیان شاهد ایسه کندوسندن درت عثمانلی بوزلک التوننی تجاوز ایتمامک
 اوزره جزای نقدی دخی المنسۀ حکم اولنه جغنی قانون مذکورک یمش بشنجی ماده سنده مصرح
 بولنشد



(محکمه سی)
(دائره سی)

اوراق نومروسی



اسم و شهرت	سن	صنعت	محل اقامت	تابعیت

بوی	آلن	بورن	کوز	اغز	جکه	قاش	صایح	وجه

بالاده اسم و شهرت و اوصاف سآره سی بیان اولنان مظنون علیه موقتاً توقیفنه لزوم کورنمکله
 مرقومی نظامنه توفیقاً لاجل التوقیف محل توقیفخانه سنه ایصال و تسلیه هر مباشر وقوه
 مسلحه مأمورینک مأذون بولندیغنی و توقیفخانه مذکور مدیرینک دخی مرقومی قبول ایله دیگر اشعاره
 دکن توقیفخانه ده حفظنه مأمور اولدیغنی و عندالاجرا قوه مسلحه مأمورلرینه مراجعت اولنقدده
 انلر طرفندن اقتضا ایدن مساوتک ایفاسی لازم کله جکنی مبین اشبو مذکره بالبحریر امضا و تمهیر
 اولندی فی سنه محل امضا و مهر

(اشبو مذکره نک ظهرنده اولان عبارۀ قانونیه نک صورتیدر)

اصول محاکمات جزائیه قانون موقتک طقسان دردنچی ماده سنده احضار مذکره سنه مطاوعت ایتمیان
 و یا خود اطاعت ایده جکنی بیاندن صکره فراره تشبث ایدن اشخاص اجبار اولنهرق احضار مذکره سنی
 حامل اولان مأمور اقتضایدر ایسه ال بقین محلده بولنان قوه مسلحه مرقومی مراجعت ایدرک بونک دخی
 احضار مذکره سنک احکام مندرجه سنی اجرایه مجبور اوله جغنی مصرح بولنشد

(اوراق نومروسی)

(محکمہ سی)

(دائرہ سی)



اسم و شهرت	سن	صنعت	محل اقامت	تابعیت

بوی	آلن	بورن	کوز	اغز	جکھ	قاش	صایح	وجہ

اوراق متفرعہ سی ومدعی عمومینک ادعاسی نظر مطالعہ یہ اندقدن صکرہ بالادہ اسم و شهرت
 و اوصاف سائرہ سی بیان اولنان مظنون علیہ مر قومہ اسناد اولنان فعلی قبیلندن
 اولدیغی قانون جزانک مادہ سندہ مصرح بولندیغی جہتلہ کندوسنک توقیفی لازم کلکله
 ہر مباشر وقوہ مسلحہ مأمورینک مر قومی توقیف و توقیفخانہ سندہ ایصال و تسلیحہ
 و توقیفخانہ مذکور مدیرینک دخی کندوسنی قبول و حفظہ مأمور و مکلف اولدیغی ولاجل الاجرا
 قوہ مسلحہ مأمورلرینہ مر اجتلہ اشبو مذکرہنک اراز وارائہ سی حالندہ کندورینک بویابدہ اقتضا
 ایدن معاونتی ایفایہ مجبور بولندقلربنی مبین اشبو توقیف غیر موقت مذکرہ سی بالتحریر امضا و تمہیر
 قندسی فی سنہ محل امضا و مہر

(اشبو مذکرہنک ظہرنده اولان عبارہ قانونیہنک صورتیدر)

اصول محاکمات جزائیہ قانون موقتک بوزابکنجی و بوزاوچنجی و بوزبشنجی مادہ لرنده موقت وغیر
 موقت توقیف مذکرہ سی اوزرینہ طوتیلان شخص بلا تاخیر مذکرہدہ کوستریلان توقیفخانہ یہ
 کوندربلہ جکدر و توقیفخانہ مدیری مظنون علیہک کندوسنہ تسایم اولدیغی مبین مذکرہ
 مذکورہ بی کتورن محضرو یا ضبطیہ سند اعطا ایدہ جکدر موقت و یاخود غیر موقت توقیف
 مذکرہ سی اجرا ایدہ جک مأمور مظنون علیہک اخذ و کرفته کافی اولہ جق قوہ مسلحہ استصحاب
 ایدہ جک و اقتضا ایدن نفرات توقیف مذکرہ سنک اجرا اولندیغی برده اک یقین اولان موقعدن انہ جق
 و موقع ضابطی مذکرہ احکامنہ توفیقاً حرکت اینمکہ مجبور اولہ جقدر دیو مصرح بولنمشدر